

集部

たい可え 欽定四庫全書 漁人 瞰彭蠡子儀欲道九江汎洞庭入都匀乃作别説以屬 明文海卷一百六 鼓掉冷然御風而超與波上 説六 别説吳時來 且索所以處之余日别則別矣又何說馬不見湖 ALAID / 乃殿風東作吹浪若山衆皆拏 明文海 餘姚黄宗義編

中兵彼採珠者以杓鼓水潜遊水底杓中魚鼻魚翻然 出須臾有在舟巨魚裂波而至衆皆暗然謂其為魚腹 於林不知其為林身漁人珠人常於風波不知其為風 其志於螺而猶若是故魚常於淵不知其為淵身鳥常 仰天被採珠者且行且伏不知巨魚之殞其杓端也彼 放身兹别又安非我常也是故離邦去里吾不謂憂歲 固常於風波者奈何以風波懼之子學人不聞合浦採珠 一乎左執筐右執杓閉息如龜没頂如鸕鷀瑜時而不

ノンノし

1.

卷一百六

何 尺記回馬 二丁 益若其未則死葬蠻貊中吾亦無悔舍是無以為說矣 吾師故濟南太守蕭先生也先生諱孟景字時恭順 月淹留吾不謂懼吾所深憂大懼者唯在不聞道然則 而與子會也則将乘戶親負大珠就觀海之庭以問損 外草場老余讀尚書蒙於先生者矣憶為余稱書者 如靜馬以觀動而行之敦吾初念以及乎死之日幸 尚書師說李舜臣 、也寓家於京而余以正德己亥從先生於崇文 明文海

每面一 |桑與雖曇嗣若是為一章而二具二之則兼藻火粉米 **啓厥貢珍琳琅玕先生曰璆琳西域產也雍鄰西城梁** 皆三千里然而三千里者周尺小也原貢珍鐵銀鏤著 是虎耶雌耶弱成五服至於五千先生曰五千者五服 黼黻為七夫宗奏者宗廟之常等也至尚而文何遂言 書曰宗奏藻火粉米輔散先生曰蔡宗舜虎雖振疏虎 西南 盖雖先王不能不務其所不能不用不能 ロートノニー 千二百二十五里矣故王制流沙至海衡至恒 卷一百六

我不知其舜倫攸叙先生曰王之問也謂王執以為不 C/1.10 ... (C/1.1) 知舜倫問與則謂王知舜倫已而止欲為之甲乙之數 欲人善而自不為善者有矣惟天陰陽下民相協聚居 而分則不成為錢壁尺寸中五而分則不成為尺寸今 儀而二也何也譬之錢壁於圓尺寸於十夫錢壁中好 乃王誠執以為不知尋倫而問若是叙訓次者次猶在 曰半者一生二也雖然有離而二有儀而二數學半者 明文海 Ξ

令如漢以來互易外矣何也主也壁也惟數學半先生

也君子所其無逸先知稼穑之艱難乃逸則知小人之 金ラセルノニー 不善畜也畜不以水也次日子適憩亭中時雨初歇地 日僮以告曰雏鴨有斃者矣既而聽其聲啾啾然哀鳴 與之水其聲响响然其毛羽鴻鴻然予甚愛戲之不數 家僮取鴨卯伏之得雛鴨數拾枚始育則飼之盆中少 依先生曰所所君于也乃逸者其始欲為逸也 視其毛羽蘓蘓然以散落予讓僮不善畜也僮曰是非 觀鴨說吳廷翰 卷一百六

僮將筐而歸則相與復嬉於渚或逐於混或蔽於叢不 电而行或拳而立或屈而睡消搖相年容與如也既肺 浮而出盤旋戲雖於萍藻間既休而理羽交口扇翅或 揚足而馳或拍翅而飛不定者良久既乃狎水或仰而 睢睢然睨其足逡逡然前而卻年之則遂奉奔水中或 去不移時筐而至稍出之水涯皇皇然驚愕不已其目 水方强顧而樂之凭欄而語曰曷不以畜鴨雞僮趣而 飲或俯而啄三五而陣各適其所已則又或沉而沒或

火定の事を書

明文海

之以智巧為之以淫華本性日耗生理日促相與縣死而 濯濯然以光澤其去畜池之前僅三日充長已倍三之 子為政當斯民淪喪之後順之以法今南之以刑罰誘 也夫反其性造化不能以育物聖人豈能以育民乎君 於蹄浴各逐其性而已鴨之斃於陸而育於水亦一理 淵澤虎豹之於山林細而蟆蠓黿龜醯雞之於甕於坎 可得遂縱之明日至亦如之其聲吃吃然以和其毛羽 矣余乃歎曰大哉造物之育萬物乎大而龍蛇之於

E

大とりきたいす 之初生鴨之育於盆者也扭於習而不悟斃於陸者 惡日雄之而欲其蹈刑戾履記詐亦不可得矣然則民 猶疑試於水者也得其所以為性而安且樂水之狎而 視其斃而不知所以救僮之讓者也反其自然之性而 日之所趨安危利害相去什伯而千萬則雖械之使為 久也教成而化行行安而俗美追視昔日之所為與今 明文海

不知知

之以忠信囿之以淳朴莫不相顧駭愕不信不安及其

且欲其改逢易轍驅之以道德範之以禮義納

矣是故天下方亂以命世之才許之則已欺品藻者矣 朔野子由都渡漳道磁而北路分大阜東西縱橫時立 嘆曰因育鴨得育民然則茲觀也鴨與也乎哉述觀鴨 其本生大奸似忠大詐似信居之不疑以欺斯世也 故魏曹氏操之遗塚也嗟哉購賊敢於欺人至是卯盖 相屬如象如馬纍纍然七十而竒呼輿夫而問之曰此 不歸者也生養蕃息既富且昌水之畜而充長也乃復 疑塚説尹耕 卷一百六

ノシッグモ

<u>.</u> بر

無人負我陳宫知之托名漢相其實漢賊孫權知之若 世奸雄許的知之擁萬人挾天子孔明知之寧我負人 内欺其近属矣操誠多術哉然卒莫掩也治世能臣亂 以欺之於我鋒之下超也捷笑語以欺之於刎頸之餘 不相輔幸相捨衣帶客詔則漢献伏后亦知之竟亦受 傑效死則又下欺其將佐矣唆野葛卧中殺美人則又 てこうちこり 三 至於遷許而天子忻然則又上欺其君父矣臨事而豪 九錫將加以義兵責之則已欺才智者矣布也勇指馬 明文海

英雄其次為孫仲謀故曰生子當如又孔明十倍曹丕 借七箸是失固已疑於機事矣七軍盡没下議遷都固 人也予以為操之疑亦多美以疑人官渡之不敢糧食 益今垂死不忘故作是疑塚可笑也哉夫疑塚將以疑 而五官将之立非其素心操死時數公皆無恙則其身 已疑於棄守矣又有六者操所憚惟玄德公故曰天下 形勢矣雞肋致意徘徊漢中固已疑於進取矣荆州 且盡固已疑於進退矣含鞍馬與吳越爭衡固已疑於

たっちてんとこと

卷一百六

欠いうっとう 間仲尼曾為之矣噫此非孔門之言也其戰國遊士附 而塚中枯骨百計自私標至是術真窮矣或曰虚塞三 所葬如其嬪御功臣之流夫代者得骨而止此操之用 宣不可以盡伐勞民而愚不類操舉動其必七十皆有 矣又世傳疑家皆虚其一操也予謂不然夫七十雖多 後之疑其大馬而作疑家以疑人予謂操之術至是窮 會之說也夫君子之愛其身也不加於親防墓盖欲不 心處也不終於臣節以魏其先不善於貽謀以戚其後 明文海.

麩為糜茹木實啖草荄以求活者有身被繁械且負在 金りてたと 力不自前者有僵仆不起者有行且戴負提攜皇皇馬 封樹矣門人修墓潸然曰吾聞之古不修墓故曰此非 之以追其圖有為風沙霾暗鼽疾不伸者有饑羸骨立 孔門之言也戰國遊士附會之說也 無所以歸者有無完衣踝跳耻不自顧者有員麻积麥 宋史載鄭俠力攻安石新法繪其上東門所見流民圖 宋鄭俠流民圖說陳近 卷一百六

人之四事全事 信又復具觀百圖不抵片言可勝歎哉每慨齊宣不忍 雖深究馬通之罪不足自恤所切齒者悔言未行而執 有八事後復出責宰臣以示開悟俠之圖不為無益也 何心哉至神宗觀圖反覆敬歐夜不能寐翼日於罷十 見而求之目前以目前之不可見而求之几上俠之心 一牛於所見使妨於偏聽則朝見一牛馬暮見一牛馬 門不納乃急發馬逓兇欲上覽以天下之憂若不可 揭木市以價官者饑歲征飲苛急之條為狀曲盡其時

足怪云 四端發見者之真也然人固有殘忍無恥爭奪昏昧者 古今之言性者何不一也孟軻氏則以善言矣盖信諸 疑諸刻意尚行者之偽也然人固有惻隱羞惡幹讓是 之不可訓矣而概謂善也可乎首鄉氏則以惡言矣盖 非之非外鑠矣而概謂惡也可乎楊雄氏則又以善惡 而王之心忍矣故曰偏聽生姦獨任成亂勢之使然曷 性説毛性

移而之惡有不可得者故虞舜問變於頑罵神禹勿渝 者也夫上智之於善也如水之必寒如火之必熱雖欲 乎此而且遗乎彼均之非所以語夫性之大通者也當 矣而概謂善惡混也可乎是皆見其偏而未親其全得 生而歧凝神明在傅不煩與夫聲若豺狼必滅厥宗者 混言矣盖取孟荀氏之言而兩端以持之也然人固有 不移斯其大通之論也乎夫上智馬者是孟氏所謂善 必若孔子之言曰性相近也習相遠也惟上智與下愚

次正四事主

明文海

容有不善以混之是故怵惕於孺子之入井而或不能 愚矣而容有善以混之是故為不善於問居矣而或不 無內交要譽於其親友之私自其不善也若可以言下 是楊氏所謂混者也盖自其善也若可以言上智矣而 管察自絕於周公何也原未當稟有善氣耳相近也者 必毒雖欲移而之善有不可得者故朱均莫化於堯舜 謂惡者也夫下愚之於惡也如荆棘之心刺如烏附之 於伯絲何也原未當稟有惡氣耳下愚馬者是首氏所

くいこで、人 くって

欠こうう ハンラー 明文海 以知能信子言也然則彼將非數曰奚為其非也孔子 兼三子而大通以言之矣若性果無别也孔子将曰性 他日不又云乎一陰一陽之謂道繼之者善也成之者 萬物之一原是故途之人可以舜禹愚不肖之夫婦可 相同也習相異也寧當遠近云之乎或曰吾聞之性者 之相去善惡不甚懸絕固中人之大較也是孔子盖當 能不著善於君子之見盖其游氣紛擾剛柔摩盜得之 者固非統善亦非統不善苟始也習之未深則其性體

清至純而為上智之善者矣有得其至濁至駁而為下 屬於體質氣有清有濁質有純有駁於是乎有得其至 施静極方動将有所流行賦予而尚未著於人物則其 是也比其有所賦予或成而人或成而物則固於氣稟 性故曰人生而靜以上不容說纔說性便已不是性者 未生玄酒太音希聲淡味斯但可以言善而未可以言 體之虚朗清通冲然粹然殆部子所謂一陽初動萬物 性也斯尤論性者之宗也盖自繼之而言道之翕極方

金ケモアノニット

卷一百六

271.101.2 7.1. 者以言乎其成也雖有氣質之可見而實所以終乎其繼 止斯則始可以言性而不可復以善概言矣故曰善固 近之混者矣殆周子所謂剛善剛惡柔善柔惡中馬而 然則昔人所謂可舜可禹可知可能而為一源馬者將 謂之性惡亦不可不謂之性者是也是知善也者以言 愚之惡者矣又有得其清濁純駁之交錯而為善惡相 非即其已成而避其始繼者言之乎奚為其非也辟之 乎其繼也雖無渣滓之可議而實所以始乎其成性也 **明**文海

各得夫雨之清通之體固在也自非至汙澄之汰之與 之淵馬或注之泥沙之澗馬或積之糞土之渠馬始廼 薰蒸津潤沛而下施是名曰雨觀其清通之體猶夫始 耳雖然渠之獨也以糞土也 澗之 渾也以泥沙也而其 澗為濁在澗者視淵為渾惟淵之清為不失雨之本體 稱名曰水而不可仍曰雨矣惟其為水也故在渠者視 繼之善盖不可以渾濁言也及夫在地也或潴之靜深 雨與水然陰氣油然布獲周客陽氣上升鬱無所洩則

金ピノロアルノラモ

卷一百六

欠三日申した 以是知豈惟竟舜之上智曠世不一見即楊食我之下 也惡者也然統陽之卦無二乾馬純陰之卦無二坤馬 善則無可以為性奚為其非也子盍觀之易乎夫易之 復言雨而舎雨則無可以為水性不可以概言善而舎 上智也善者也六畫純陰名卦曰坤求諸其類盖下愚 陰陽類善惡而言之六畫純陽名卦曰乾求諸其類盖 有六十四卦也以類萬物之情者也今姑即其卦畫之 明文海

湖無異故曰敏用力敏勇則疾清由是言之水不可以

善可惡者也教也者所以去其惡而反之善者也人能 限小大或殊然即一畫固與純乾之六畫本體無二也 人之善惡混而相近者衆乎夫惟中人者衆也是故聖 愚亦絕無而僅有者若夫卦之或陽多而陰少或陰多 以復其所繼之純全就其所復之陽畫而言雖成章分 縁教習之自強不息將隨其陽卦所成之多寡而各得 人之教立馬盖上智不待教下愚不率教而中人者可 而陽少或陰與陽也各居其半數盖六十二馬寧非中

ようじん なるこ

卷一百六

人にこりっている 宗孟氏以為是天地之性也而復出夫氣質之性以前 不善者以雜之於內雖或雜之以不善而其成性之限 而混者也惟相近而混也是故可以言善矣而或容有 得而性之哉且孟氏之所善也率自上智言之也故处 更無所謂性者若特屬之天地則懸虚無所於附歷色 其所不及馬不知凡所謂性便已屬之氣質氣質 故曰及其成功一也兹聖人立教之本意也宋儒言此 稱竟舜竟舜以下未必純善而無惡則固皆善惡相於 明文海

而陰畫則置弗一及馬是無怪乎諸子之論紛如也求 陽畫云耳斯孟氏言善之古也特其直指陽畫專言之 末當因夫陰畫之間而少有所虧變自其未當有少學 一奇畫之陽雖不能不問之以偶畫之陰而奇陽之畫至 諸始繼之善者渾然固自如也猶夫六十有二之卦鳥 其不能於孔子者吾竊有取夫昌然性有三品之說 途人知能可與夫婦者此也然亦非卦之外别有所謂 之陽即如剥之上九馬猶為不食之果而舜禹無問於

卷一百六

·芳蹋當取一二名妹善清言者素服淡粧佐我壺觴娟我松 **啓數聲茶煙一縷令人神青脩然自遠若多携朋單無** 次三丁五三二 桂但經索歌喉不宜數數耳此外更得老衲 林麓幽勝處席地而坐俯聽潺湲仰觀雲物翠微中清 登臨山水自是高人事隱逸之流自適其適便 以纨袴粉黛自是狹斜景色非泉石宜也如欲踵東山 |獨往多不過兩三人行則徐步坐則清譚選峰嶺 游山説楊夢哀 明文海 人然其中 古四

然吾撷其芳夏月修竹茂林清泉漱玉時而披襟時而坐 時春月桃花夾岸柳色青青輕衫瘦蹇携酒而往滿目 移時脱畧形骸渾忘城府方於幽賞有得耳凡游亦自有 為住坐不必席石可几草可祖教可殺鳥語可經管花枝 谷之間探奇攬勝尋鄉界古與樵子牧覧躊蹰問答駐立 隐吾養其懶秋月紅葉滿山望之如赤城霞離月散影 可酒籌渾是眼前真趣着一毫濃艷富貴氣習不得散步 /間或登古利或訪僧居拂蘚讀碑掃壁題句或徘徊 爛

人人のいっという 畫不能逼其真此唯得趣者知之難為俗人言也尤可 **弩之屬夾道而馳猿鳥驚散僧徒避匿足跡所至前後** 忌者是一種戴進賢冠人高車腳馬從者如雲前驅負 陽烟嵐霞霧晨昏異態頃刻萬狀筆舌不能罄其妙繪 坐濁醪小酌蕭然非人世景色吾甘其寂至如朝旭夕 光可掬凉颳颯颯襲人衣裾壁上琴紋琤然有聲吾披 磴小橋間恍如圖畫中人歸來休斗室垂布簾圍爐而 其與冬月六花雅舞羣峯如王龍偃蹇一蓑一笠行仄 明文海 十五

來級然往此何異檻猿龍鳥從開市上取來暫置丘壑 方且羅列腥擅喧閩鼓吹徒以赫赫者驕稱山靈嚣然 愚公歸釣大陵之西洛浦之南為汾汀漁父夫漁父有 已仲春長白山人書於醴泉精舍 間俄而復還故處耶然則貴人將無游乎曰葛巾野服 人如蜂蟻馬嘯不得舒句不得冤杯不得街膝不得抱 金ダロアノニュー 一二素心人屏騶從卸冠裳容與半日可也萬歷丁 漁父說孔天角 卷一百六

次に四種をう 夫衆風雨冒霜雪襲煙光明減與水波没興垂鉤益深! 初非漁也當學劒學劒不成去學書學書不成去學為 我孔子以為有道也有楚漁父者與屈原言於湘潭之 儒為儒博而寡要勞而無功乃落而為漁今漁十九年 而貴權逐世而無悔屈子之所不能測也汾汀漁父者 滸 其言掘泥楊波餔糟獸醨標指玄同揮斥矯亢法聖 三有魯漁父者與孔子言於緇惟之林其言不受名迹 不通疵患不拘於俗不分於道法天而貴真任放而無 明文海

日數百而不驚除罔兩問景絕跡無與時該者而後嗟 而不能去茲即去兹奚學也彼魯之漁也抱道而間於 名為漁是其學漁復無所成日垂景西美遂徘徊婆娑 就蘆葦而卧竊自視之翩翩一漁父也然無所取魚空 石田計其所入以餬余口有微羡馬則沽取鸱夷而酣 挂魚益少至終歲而不獲一鱗妻織布兒緯蕭蒼首治 屈孰辨分之漁哉其野奔蒼其濱寂寞鳥獸之過我者 江海楚之漁也達世而隱於山澤然至今不忘縣於孔 ・ドイン 卷一百六

性子草木榮於春瘁於秋冬疑若有盡也而寒暑之機 ていりっ これ 無盡之源出於無始無始者其生人之初乎其生物之 循環無端而草木之崇瘁乘之至於斧斤伐馬牛羊囓 求予說予固非學於佛者盖當聞諸吾儒康得其說馬 斯人之孤也於是作漁父篇以自表馬古二人今一人 汝南王覺壽師事鄂陽雨華丈人得法號馬曰無盡以 合而言之三也愚公志 無盡說顧怒

為天地而傾地於三萬六千年之後者将不復合為混 以語其成數又疑若有盡者然元始之氣自混沌而判 之性果有盡乎無盡乎天地之大也不免於一朝之盡 草木之遭斧斤牛羊而不離其性也亦審矣然則生物 變而卒不能害夜旦之相生則是人之生死無以異於 一羊之業者患無山馬有則不本而植不歲而拱以周天 馬殘其枝以敗其本是草木之葉於盡也而操斧斤牛 下之用者其熟使之然邪譬之天馬風雷雨電晦明萬

金女口屋全世

卷一百六

養有終盡云者亦各不失為人為草木而已執草木與 故思夫好鑿者夫所謂殤於此而萌於彼出死入生而 世之曰天曰人曰草木者皆物也草木殤於此而萌於 以證之不然烏知其非盡邪是尤非知理之言也君子 被者不離其性則人之出死入生而疼有終盡者且何 生人之初與生物之性其極安歸曰道而已或者謂凡

·注乎亦將不復判為天地乎若是則元卷之鑿孰斧其

柄而所謂生人之初者又果可得而盡耶無盡耶然則

或不能窺覆臣之與吾用其精神忽馬思至於天思入 火不能為之戕賊者也日月之明大可以被四海而小 雖係乎一心而天地不能逃其量鬼神不能測其機水 則亦安在其知天邪今雨華丈人之所謂無盡者我知 金丘匹库全書 之矣易曰心之精神是謂聖精神者不以形言其妙用 以為天一理而已茍即其所判而合合而復判以與古 今更始於無盡者而以為離元始之祖氣而別為一天 人欲離 而更之他則世將幾何而不笑我哉且天之所 卷一百六

請書之 こう! 誠其德以至於神明而已彼佛氏者豈以吾心之精神 天地而立人極也故天行健而君子以自强不息所以 在吾囿所謂不疾而速不行而至苟神而明之所以多 於地思赴於千百里之外而曰天曰地曰千里之外皆 為慧通而大而化之以致其無盡之極者予師曰唯唯 明文海

明文海卷一百六			-		
一百六					
					# -
					-
					_
		.,			

演裂於李照胡暖范鎮房庶之流其言人人殊其語法者 無處數十家濫觴於呂氏淮南流行於劉歆京房班馬而 欽定四庫全書 夫候魚之法起於唐尭命官治歷九釐庶績后世持論者 たとりませんですー 十同其二三其語律者十異其八九愚以為法以代殊雖 明文海卷一百七 候氣說都宗齡 說七 明文海 餘姚黃宗義編

班固司馬彪著漢書志律思灑灑數百千言大都祖構劉 其界耳開皇中遣毛爽祭子元于普明等以古法候之有 灰覆以疑殼一氣至則一律飛灰世皆疑其所置諸律方 歌京房語不敢自創一見後世候氣者猶若奉功令而超 化或謂干支方位相感召統非定論也蓋漢書亦得 今考其法密室中以木為案置十二律管各其方實以該 不盡合然規制不甚相遠也乃其律一繆即有法安施夫 不踰數尺氣至獨本律應何也或謂短長至數冥契造

卷一百

較之惟黄鍾為最長惟應鍾為最短以林鍾比於黃鍾則 吹き四年とき 十二管以候十二氣而十二長之音所從出馬以十二管 氣灰全出為猛氣灰不出為衰氣和氣應者其政平猛氣 初入月即應有至中下旬始應者有灰飛出數夜而盡有 應者其臣縱衰氣應者其君暴夫臣縱君暴其政不平寧 機有早晚灰出有多少其理固有然者夫古之聖人制為 月異哉乃十二律於一歲內應並不同則何舛也要之氣 月纔飛無幾者高祖舉以詰牛弘弘曰灰半出為和 學文海

冝以水平則概然後律其可使無疎密之患此候氣之 少先密其室令地極平以木案間之實土案上詢度得 短其三分之 法百世不易也夫候氣以律造律以黍李照胡瑗房之 或長或短皆上下於三分之一 九寸而止惟黄鍾一琯達之故黄鍾應馬正月陽氣距地 ないべし 八寸而止自太簇以上皆達黄鍾大吕先已虚故太簇 律應馬如醫者以鍼徹其經絡則氣隨鍼而出矣然 以太簇比之林鍾則長其三分之一 之數時維冬至陽氣距地

アモロシー 算律之法累恭之造律考古籍不少概見惟國語載伶 空徑三分之管非縱非横則何以為分子此馬端臨力 短長之數以為黃鐘九寸之管取三分以度空徑不知 辨其非是未為無見也或者尤謂周禮有聽律之官無 說類累悉以求律議者謂照以縱香累尺管空徑三分 法房底盡關其說而欲以千二百黍亂實之管中隨其 百而空徑三分四釐六毫則太短彼以尺生律不合古 容黍干七百三則太長瑗以橫黍累尺管容黍一千二 明文海

粒累之命為九寸與表尺合又截行為管長同恭寸其 以黑杰充其中者一千二百粒日乾之重五錢以九十 |廢之當考郭守敬所置太院景表尺比市尺僅八寸許 為數者既相表裏必毫髮不異始能相通可以律而起 量衡所謂黃鍾之長黃鍾之禽黃鍾之重云者特以明 度量衡亦可因度量衡而知律則累泰之法又馬得而 州鳩答問律稱古之神瞽者中聲而量以漢制以較度 三物之與律相表裏耳未當專言累泰以為律也愚以

会としたたという

哉在人哉 竅上下均容一千二百柔吹之其聲 與人之最下 灰已應又為輪扇二十四埋地中以則二十四氣 齊有仰觀音色即指天曰孟春之氣至矣人往驗管而 合是為黃鍾之聲制管之法其得之矣然未易言也後 扇自動與管灰相應若符契馬候氣之法信在人

		1	īīī		LAS
-					新庆四届全書
		1			
					卷一百七
	-			·	k

鄞自句章以東瀕海带江原野夷行畊民所病水難蓄而 也色西南連山起四明水之所出涯流注壑百五十里而 いるの見という 如說記之所稱盖已久矣然由昔水政之修且可考 説 鄞水利叙説上 汹湍浮至今之所謂它山堰者入於 江迤而東且北 海卷一百 上戴縣 明文海 餘姚黄宗義編

堰以截鉅流激而注之河支絡村墟達於城郭疏為漕渠 環郡城以走海潮汐激引下上故鄞之地東西勢不合分 蓄而善泄之故也錢湖則因諸山之麓隄而續其不 流溉之它山始唐太和間王令元偉者梁石两山之間為 之東鄉之田錢湖溉之二水之所不能及惟南鄉則江之 豬為陂湖昔人 度其不决於江者大約早則什七 澇則什 而為鄉各七而水之所資亦殊而三曰西鄉之田它山溉 一然積歲沙淡水道填室浹月不雨輕以旱病此水無所

人としてとんとこと

卷一百八

下次 と四車全事 者謂令二水之利盡復則餘潤奚直更支半月東西鄉之 夏仲不雨至於六月湖遂先河而涸它山亦尼于沙港水 今於對之不治且三百年則湖之加塞可知也乃者甲午 後又復買田市葑勤亦數矣然宋人已科湖水僅支一决 河半故其時鄞之東田弗浸於歲自唐歷宗湖則屢澱乃 令陸南金守李夷庚者益加開築荆公魏王嗣而沒之其 里八十納流七十二為堰七湖高於河決而下注凡得三 入益微東西鄉之田盡病郡縣之大夫日夕點龍而雲論 明文海

故溪之委也恒亢流寡乃後滷汐漸至故往者於並江 夫二水之為鄞利功簡而事要博取而利微何也江水 利也博今欲鄞利博而遠無他修二水之政而已 田寧有不熟者乎夫君子之憂民則為之慮也遂故其為 河如東之五鄉西之上下水風堋石碑乗時潮漲啓而 |碶界石局木而閉縱之澇則分泄於江旱則約江於 注則二鄉皆並江而田然河髙於江可以决泄而江 水利叙説中戴監

注矣又胡得不亟為之愿也它山堰石世傳非王令者 久煙弛日加民固病之而賢智之士乃或未能察識古 改正四年上十三 · 明文海 水椒壞法考之宋時錢億唐意張必强皆當增石以過 君子智足先物故能取利博而利患微如此也歷世既 拒涵汐如棟木使入賣者迁徐曲折而弗能處盖古之 南鄉地髙率於上流鑿瀆引潮注之又稍下為碶以捍 入之則可以資佐二水是故天有愆時而地無遺利今 人之意因循萄簡乗數百年今逾月勿雨二水莫可仰

水以入庶幾什七之利民得而食也若錢湖之所恃惟 讀考工記有曰凡溝必因水勢善溝者水湫之盖言導 力弗可加也今冝取石之麗趾者益堰纘宋故緒仍室 美流矣物無久勿壞者或堅泐精麻相懸民愚率謂神 水就下則湍駛自能漱激留淤宜益治港令廣浚且務 乗漲淺隘易塞宋人於其外置閘曰迴沙亦莫能樂予 其旁罅沙港所以曬導溪流入河廣度尋僅三數沙每 沙毋置近擂命多置港旁又稍於堰之上流為防遏

廣德東西湖南廣德在鄭西今之民宣異於宋故欲浚 者使督役不以屬吏而民皆歡趨夫萬金錢湖一之視 蓄水淡久蓄微其利害可不言而喻然議者報難之有 鄭令度七鄉之田計力賦財擇民之為人信服有智計 後則以田佐湖市葑今湖久不治侵水者非獨葑也故 平錢米萬計役七鄉之民與水運之番上者勞費該鉅其 二一曰財力弗豫二曰畚運深阻夫宋人之役至出當 非後之不可當見自南豐廣德湖記稱其時張今名尚

提於湖蘇文忠故當行之所謂西湖六堤者是也已乃 からせんとう 如是而鄞東西二水之利可以盡復然而莫為者非地 於小費而可以愿始者希也 利殊而財智不逮於古也責任弗尊而茍簡之政多独 阜與旁之在山者浚水舟之畢盡乃已或欲如宋議為 非是道不可浚之而淤土之在湖中者分隅別積為 ·視諸碶繕弊與售為,其局木釃泄有禁決納惟時 水利叙説下戴監 卷一百八

不達也鄞西故有廣德湖廢而為田錢湖故有田佐沒 命物之意可見也自行春即今三十里而近為精讀 木考之韻註壅江以溉曰堋如五鄉碑田名迴江先民 虞大寧積石為之以却暴流而納淡潮者舒學士重當 已可復而利民者惟風堋一碶風堋在北渡西南宋令 ·葉而業民使昔人之休澤斬馬弗泊於今然皆弗可復 夫天下之事智者創之仁者守之故君子因民之利而 たいりっせいけっ 記其事今碑旁有廟疑即祀虞者俗訛堋為伯誌誤從 明丈海

者必聚孔子曰以佚道使民雖勞不怨言不違乎其利 東尚顏陷故瀆中誠欲繕復度水沾泊者計田而賦趣 數里而為鳥金即今上下行春居江下流滷汐之所易 鄉之利焯焯可見而湮廢歲久莫有過而問馬當見 潮視他碑為要源亦數十里之間易於分泄然則為諸 汐之自行春逆上者又踰旬日乃至河少涸則壅江 然中居去行春當三江之合奉化至是始合流 及鳥金積瀆則處上游非潮盛漲不可及也惟風堋截

ラレたノニモ

卷一百八

|之政匠人溝洫列於六官達於天下後世則猶有令收 次足の華を書 鄞未艾今之君子懷負絕識而深究痛隱修二水之政 之良因水任川以勤斯民如王陸諸公者流澤滲漉吾 釀泄之不制甚矣變而通之以盡利此其時乎夫先王 至或竊放盗決近與者利于捕且近江之健陳分易潰 役民守碶所局木率责之守者往往雜藁土塗塞引日 開為水利命脉此猶善計財者必裁濫蠹也比有司歲 抑事之所恃者二水二水之所恃者諸碑具潜為學 明文海

長木之斃無不標也國狗之瘈無不噬也當其標且噬而 者察馬 始固欲中以似而謂足也天下之罔莫毒於似矣何也時 以永鄞人之賜者當有在也芻養之說不知所裁惟明 為之也在時事無有肯為言者甚怨者不旁恤大怒者 不察馬其不為善類及勘矣聽言者惟似而已彼讒夫方 乗時事挾人怒迎衆怨而造其事為真不即猶可以為似 似説王同軌

を記事とう 一 似也今以鳥而名鵠可乎天下鳥之鵠即欲自異於鳥 · 况人乎雖然似也猶驚之可為鵠也驢之可為馬也亦 似母猴母猴似人人之與狗異類甚遠有似馬人固狗 也朱安得而不紫也即離婁其能以無難也狗似獲獲 矣雖然似也狗自狗何常似玃玃自玃何常似母猴而 不可得矣以麂而名馬可乎天下鹿之馬即欲自別於 不察也白之與黑朱之與紫犁然用也白安得而不黑 明文海 !

小顧也遠以近為基也萬以一為階也以聽言者之

|請東吳友人俞策所撰訓妄篇而始扼拏歎情知某令 平生視利害如毛髮不宜以不貲之身自塗點若此及 以是乎龍先生之以斃仕期遭禍也天下群然訾之子 而豈能脱二人之問語有之魯之君子迷之郵者馬其 之不反地下與晁錯之不足以謝七國反也天下知之 鹿不可得矣跡是而觀天下之罔寧獨其似哉故條侯 乗時以似中先生於怨怒者諸公天下宜若知之而其 小子賤士非所敢聞然心知先生慷慨節士忠君信友

卷一百

叢也說夫始借以釋慎先生耳今久而不返天下 我神三日因左手為神博右手自博果勝之叢借其 矣里有神叢馬悍少年過之請之曰與爾博博勝 肯為言因著似說以廣策所未及嗟乎彼讒夫亦酷 寧有不為國威惜者乎 ていいりる 大耳目之衆事久論定當有國是神之不返不足惜 日遂不返五日而業格七日而業公國之威神 1137)孫慎行 明文海

贍 顱皆特有 余讀詩于古今慷慨湮鬱之 不順 四 Ľ 方蹙蹙靡賜危時也曰維此惠君民人 陬 トルノーコ 蹶 自獨保滅指之切也 以究王 跳之 取者當是時先聖之 論無不 詩諫者也追其後有欲射諫臣者有 **糾即於已名不敢隱也夫子録詩** 無掉激之嫌 卷一百 具指於名無 際陰馬感也 口皇父卿士艷妻婦 澤未衰而正氣尚完 不忌不阿而讜議 敢 隠也至 所瞻維 雅曰 国 出

ついこりら 絕多至斧鐵凛於無窮者宣非詩之大義耶或者謂 欲立法監謗者而道路且相目莫敢言即恭離大 南山桑柔等非詩之正也夫文王曰命之不易無過 也家自為詩直道之亡也聖獨為經其褒揚少而則 其言曰知我者謂我心憂不知我者謂我何求盖隱 調云耳而二雅之意熄矣如是則主縱臣諛将何逞 躬告君者不切而至耶頌曰未堪家多難予又集 可故曰詩亡然後春秋作盖言直亡也直道之行 1.2.2 明丈海

金ケロドハノニー 柔者不必抗顏無乃懷乎岩以保姦忍惡為敦厚澆 也夫温柔詩之小心也所謂怨非不亂者也憂其危 于蓼君自憂者不更迫耶稱詩者顧云温柔敦厚何 聞以直誅而靈均何至以婉廢也班固評原回 見意斯已婉矣終為羣小所 滋甚繼詩而作者無如騷其爱君憂國與詩人 ₹: b 諱其詞而真 然其言敢愁思展轉而不敢抗属至託臣蕭蘭 遷改馬是所以為敦厚若謂温 構自沉汨羅夫家

察而直道不信於暗君固識而直道不信於後之人 諸詩誌天實后禍敗之因皆道之事後非規之事前 其盛者鳴獨得滿然間遠不關世也杜甫元白所作 ついこう 不揚已 憤懟不容沉江而死 電間原憤懟則曩家父 不信於士君子魏晉來作者代不絕皆轉於浮藻 何也此亦直之未亡於人心也乃今學士家顧羞 人更以何名耶甚矣固不知原也且不知詩夫原 -載誦歌其致能令人可涕可思歉虚而不忍釋 A. Auto 明文海


爾哉 舒之才拔萃春曹武毗花邑士觀貞白之操而達本章 成民向直方之風而柔隨温寫甲辰冬孟藩臬旌賢檄 以督刘藤之行盖將論於銓司復乃初誓乞為育英丕 竹坡先生藴潔素之心研精純之學昭汗青之志運卷 莊言喜色語唯靡靡之就嗚呼風之流也公忠少而 避全之術多尚以與世靡靡無害而止者豈獨詩云 紙說贈戚竹坡先生王文禄

をグロたる言

録用之幸不幸存馬爾或宣之記令乎綸終之出也或 層王映葉葉霜敷秋雲淨展水練平鋪是故造之者巧 **漬之以流泉 灑之以堊粉 撤之以筠篇 炙之以元 驢層** 材所産而紙工攸都馬於是到之以楮膚摶之以石舂 懷爰説紙以贈云說曰浙之常山殆古判溪之隩也紙 化之職欲長共墨鄉之游而大張藻翰之雅去予東海 少四百事三 力之殫也由是監別而倫擇之進獻而採受之分頒而 漸近朔然文禄情寄聫箋義孚片牘繁維無術信處典 明文海

或毁之拂拭乎土直之從也此下馬者夫紙一也造之 有不可累也不行足以日新不回足以立程不累足以 也有不可行也截然其矩也有不可回也飄然其質也 幽隐之達也或識之記注乎久遠之明也此中馬者或 此上馬者或拳之藝籍子英華之發也或布之檄移乎 矢之賡頌乎產壁之與也或陳之謨諫乎乾坤之旋也 囊之緘封乎包含之徧也或障之窓牖乎風塵之街也 也而不同馬何也抑豈紙之罪乎曰非也瑩然其色

好坡先生其免夫盖已幾上馬者之具而得中馬者之 迎侈攻綺語則長浮匿誇書則增誕尤紙之大不幸也 窮經史以如美垂竹帛以揚休慕漁洛之學而私淑文 遭下馬者非所蹈也別夙探義畫之源屢絕幸編之篤 **颖維古逢折裂多山山固弗堪古宜先辨若呈諛詞則** 凡為士者亦紙也故曰幸不幸存馬爾然紙一也揮毫 生之謂乎竹坡選紙知紙也貢紙猶紙也奚特竹坡也 人のコートないま 時行日新者崇徳立程者作師時行者應天竹坡先 明文海



欽定四庫全書

集部

明文海卷一百九

詳校官編修臣銭樾

主事衙臣徐以坤覆勘

磨録監生 臣何茹連校對官無言士臣吳裕德校對官無言士臣吳裕德

\...\\):- \... 宋也當時人亦僅以當 のでは 4年の日本の日本の日本の 的學學事物 男文母 一砚之用耳盖至於今而後 物也古美予亦從而實 硯之用不知其為古 然斯物而真五代與 餘 姚黄宗羲編

見 狕 知羞於是有一人馬卓然以道自重以古先琴書圖畫 其為五代與宋也不知其在五代與宋時所質為周 非庸俗人之所好則庸俗人亦從而效之於是士之 世之沉酣於紛華之樂奔走於權貴之門被像再而不 求進者必窮極其所無以韵事權貴權貴亦時出 自娛命之曰好古故凡名能好古者必非庸俗人也 魏以上物者視此又異如乎而又不知其以周秦 以上物示周秦 漢魏以上人其人自視 則又奚如 射 怒 漢 秦 ゾス

金块四库全書

P.

見 則 庸俗人同好而已夫既與庸俗人同好矣而猶哓哓然 所有以誇士而士之慕為古而不知務者亦每與世競 如見其人也是以好之而不厭故夫古之為好者非以 逐必盡效其所有而後快噫嘻是非真能好古也特與 竊好古之名以求自異於庸俗不知其名則是而其意 ::] 徘 非吾之所謂好古者學其道為其文思其人而不得 物以其人也如以其物而已矣今亦何以異於古哉 .個上下無幾得其手澤之所存而觀玩馬則恍然 月七五

其出於愚癇而可笑者莫晉惠帝若也惠帝見道傍飲 天下無不佞臺諫也而六曹之奏議為甚吾欲正言之 而意則非者也不能盡述述其近似者作古硯說 亦已愈矣予觀今世之所好大率類是益皆所謂名是 世之下不以好古者好吾乃必含其在吾而惟古之好 夫苟不惟物惟其人則吾亦可以為古人矣安知干百 不可也即借昔言為喻以資談者之據馬昔人之言 諸曹佞臺諫說顧大章 卷一百九

動员 匹庫 全言

東官之議深裡荒政所當虽為宣布者也曹之屬呈之 之覆疏必曰米穀雖飲肉食頗豐愚民不食自取僵餓 耳使其出於臺諫則六曹亦將覆請而行矣試擬內康 之人猶將隨人而笑之愚以為斯言也持不出於臺諫 對日在官地為官在私地為私此两言者即今世愚癇 こう・・・ 私地産分界截然官地蝦蟆宜令着籍其在私地亦須 曹之長署之無何得旨而報可矣蝦蟆之覆疏必曰官 殍曰何不食肉糜聞蝦蟆鳴問曰為官乎為私乎左右 _| 月仙

之屬為能其長為賢而宰相為無罪不然皆咎之徒也 屬呈之曹之長署之無何又得古而報可矣如是則曹 |禁居民母得竊捕他如原議所當永為遵守者也曹之 之合動有司別作區處官地蝦蟆委難悉記姑著籍第 心及見其疏更為精竅今議畜多處並依前例如偶缺 呈之曹之長署之無何得旨而報可矣設又有一臺諫 科取其官之議裕國惠民所當著為今甲者也曹之屬 具疏而駁之則又調停其說以覆曰前某所議具為苦

動定匹庫全書

卷一百九

改定四草全島 歐 服 口必皆曰是誠馬也何既誤以為鹿鳴呼臺諫之氣其 罪 客聞而吃回是何其趙高之欺二世平曰何可比也高 之為鹿馬也二世左右猶有言鹿者高能中言鹿者以 陽作怪竹説以為天下之物若有知若無知皆不 而不能得其始之一詞於馬也今臺諫之所謂馬則 朝之臣無敢有知其鹿者矣歸以告其家夢以囈其 人如此豈不更烈於趙高哉 知 説 鄭以偉 N 明文海

斷 眉 覺是豈有知哉附我之一體猶 石草木之類 皆 目之 説 辦之一足鄉已羹而足猶動 髮耳爪甲眉 窮 活然剝爪剪甲 人之心活 類 話其言甚辨然於人身亦有然者呈特物哉作 有 觸 耶 而 必 髮 能應名之四知凡身皆有靈如手及耳 知是也而爪甲眉髮 쑔 則天地之金石草木猶人之有爪甲 猶曰頑冥液與血出於膚則與水 眉 脱髮落 如鍋 纵 動 木 有不覺之物別夫金 者 割絲而人曾不之 則不然爪甲 知而養者不知也 眉髮 同 次口

一百九

川へこりる」などの 髮何異爪甲之生眉髮之長我又不可謂之無知也 騎而入鼠穴者必以為真夫人之不能入鼠穴畫必知 否馬又或憶而得馬而憶而不得者又或有馬何也夢 忘又或少肚之事 記憶而得心一人之心耳或知馬或 之至靈者心而嬰兒之事壯必恍慌少壮之事老或遺 是一體之中有半知半不知之物矣誰頑而誰靈我 何况少壯之不相憶耶方其不憶之時此心與爪甲眉 之審兵而夢或忘之豈夢為氣所敞乎盡之所為不蔽 明文海

答 智 著草之類聖人借以决疑則是禽獸蟲多草木復智 亦 飛 則聖人智於眾人眾人智於禽獸禽獸智於蟲多蟲 **美故天下無物** 不知熟 螘 有爪甲眉髮不靈之體而 於蛤蚌蛤蚌智於草木而龜殼雞骨可以 則 知晴 與定其倪請以質之混沌氏混沌氏嘿 舂 則 而 知雨 無知而 賱 E) 無 物之 知晏 體 物 陰 無不知聖人之身 亦有 諧 知陰人未必 聖人之 ŀ | 蠛蠓之 知 狄 能 知 豸

金少豆

たんろうも

時奉為指南予懼久而渝也再撮五要以申同志 全後即用單有吉慶則用單紅體既簡雅意亦親厚今 璟向有戒侈諸約同年林讓養先生作學儉說行之 今羅列水陸幾至數倍非禮也司馬温公與文潞公作 沒用全帖是陳之也緊不宜受 一省東費前輩相訪率用單帖即京師諸公惟初次用 一省宴費古人以四簋爲敬至天子則用八簋為最腆 筍江社中寧食說 并德環

えいいうこという

.

明文海

皆他處所賤吾鄉顧貴之而膳夫又以偽者斃者充庖 東不待促蘇文忠三養說曰安分以養福寬胃以養氣 省费以養財大是今時樂石至如蛙轉變鼈石鱗諸物 止用八簋勿效何曾輩所為 相 尤 真率會酒止數行食止五味惟菜不禁每召客共用 省絕費古入相別贈为藥相招贈當歸相慰贈萱草 蠲贈合數物輕情厚即東坡集如酒筍花魚茶墨之 可哂也宜盡斥不用諸宴坐會合坐止五簋即大餐

金少正是台二言

べんから から 學士止用一半枯魚為壽亦留酌賦詩劉忠宣父為御 亦非真宜盡洗之間有贈問止用一二小物務極輕省 史餉楊文定止一岩一蜜王端毅餉內閣止一羊毛口 以成君子道義之交 子其家必興僕侈肆其主必非君子其家必替歷數 ,省僕費古人不知其主視其僕凡僕謙樸其主必君 相鉤皆有詩李文正當國值生及趙司成用二帕魯 曰可盛米皆千古美談近日幣盒套俗物既難繼意 明文海

誘士女則佛老之罪人也按律婦女入寺觀神廟燒香 騙 天仙當立千二百善此真佛老之教也若崇飾土木廣 今 曰人事天地鬼神不如孝其二親二親最神也道經曰 可 一省那費世間早已即有釋道二教皆勘人爲善佛 累主累身皆非福也何如緊從儉約以成主之名且 錯餘不與且衣裙無等體既凌夷原費無從勢必欺 仙以忠孝和順仁信為本人欲地仙當立三百善欲 自爲身家之計乎願相戒勿復爾問有不俊去之扮

金少正屋台書

北北中華人上方 者各杖壹百流三千里愚民不知多候犯之吾黨宜預 相曉戒不獨為衆省財亦以造福 巫假降邪神書符咒水妄稱白蓮等會為首者絞為從 物者充軍松扮神像鳴鑼擊鼓迎神賽會者杖壹百師 者笞四十住持不禁止亦笞四十若有刁姦因誆騙財 明文海

明文海卷一百九						アラナンド・ヘ イン
一百九						S. Carlot
				·		・たっきれ
		-			-	

をこの事をこう 一 陰陽變化之理書因典謨訓誥之文而定之所以紀帝 盡心馬者於六經尤著馬六經非聖人之所作因舊文 聖人垂訓於方米也其見諸言行之間者既同且詳而 而刪定者也易因伏羲文王之書而述之大傳所以明 欽定四庫全書 明丈海卷一百十 詩辨王贈 辨 明文海 餘姚黄宗義編

|者則失於奸謬松藏者未免於脫畧先儒因其奸謬脫 直或傳於老生之所記誦或出於屋壁之所秘藏記誦 也奈乎秦焰之烈煯滅殆盡至漢當尊而用之莫得其 之際似寬而實嚴若疎而極密故學者捨六經無以為 於日用當於事情而為萬世之准則也其於取舍用意 之得失禮所以者上下之宜樂所以導天地之和皆切 王之分詩因列國歌謠風雅之什而刪之所以陳風俗 王治亂之迹春秋因魯史之舊而修之所以明外伯內

卷一百十

10/0.20 1. A. A. G. 11 1/ 偽為以補之或取其已刑者而足之其受禍之源雖同 · 客復從而訂定之務足其数而以已見加之其缺者或 雎被之管經薦之郊廟享之賓客何所往而非詩耶後 言亦未當忘之詩之為用滕瞽之人習而誦之咏之關 子語曰詩可以與可以觀可以厚可以怨至於平居雅 人之言曰與於詩教其子則曰不學詩無以言與門弟 存者必合理人之度皆吟咏性情涵畅道德者也故聖 而詩為尤甚夫詩本三千篇聖人刑之十去其九則其 明文海

衛淫奔之詩混之以足三百十一篇之數遂謂聖人之 之氣皆能感發人之善心者可知馬今之存者乃以鄭 世置之博士以謹其傳為用固亦大矣則其溫厚和平 又曰詩三百一言以敬之曰思無邪然思且無邪見於 之郊廟思神饗之賓客意何在耶是未可知也且聖人 何益於徳誦之閨門烏使其非禮勿聽耶被之管經薦 所刪至如桑中溱洧之言皆牧暨賤隷之所羞道聖人 何所取而存耶玩其辭者何所與言之復何嘉耶學之

卷一百十

言者又何盭馬假使聖人實存之則其刑者必又甚於 アノのころなり かえる 無所信故備書之而用意之深則在明褒貶於片言之 享征伐嫁娶之節闕之則後世無所傳無所傳則後世 且春秋者國史也備列國之事必欲見其葬明會盟聘 之為意豈外是哉嗟乎舉善之足尚思者固自知其非 人之逸志亦垂戒之意也是故春秋據事直書臣弑其 是耶或日聖人存之者蓋欲後世誦而知恥所以懲創 君子弑其父皆明言之而不隱及其成也皆知畏懼詩 明文海

之樂而使人起邪僻之心乎故其論為那亦曰故鄭聲 教人以孝悌忠信恨不挽手提耳以爝之何乃以淫靡 淫靡聞其樂使人有邪僻之心而鄭為尤甚矣夫聖人 孟必矣且張載子厚嘗論衛人輕浮怠墮故其聲音亦 又烏害於道平由是論之則淫奔之詩在聖人之所刑 然則揆之于理據之于經考之于聖人之言意雖有儀 間也然詩既為民間歌謠之什遺其善固不可失其惡 秦之辨吾知其叛于理而失聖人垂訓之意矣

アンジェル

謂之天天無心肝腎腸無耳以司聽無目以司視無喉 之極也說者謂天如雞卵左旋故渾天儀似馬此亦應 或問余天有知乎余曰有知曰天穹然養然冥冥然莫 舌以司言無喜怒無好惡何有知之有哉曰盈天地間 馬而已日月星辰處乎空中二氣交則為雲為雨蓋馬 則為電為雷霆陰氣游馬則為霜雪為散豈故為之耶 ていかる という 以陽剛言則謂之乾以主宰言則謂之帝以形體言則 天辨烏斯道 明文海 四

何莫非天之為耶故位曰天位爵曰天爵秩曰天秩民 不可達也故書曰天道福善禍淫詩曰昊天曰旦及爾 易何以日復其見天地之心乎汝以天無耳闕 游行傳曰違天必有大谷老子曰天網恢恢申包胥曰 曰天民物曰天物伐有罪則曰天討罰天之道凜乎其 , 泉則能勝天天定亦能勝人汝以天無心肝腎肠也 夷齊十辨王直 辨夷齊不死於首陽山二辨首陽所以有夷齊之

金いたたんで

|将問之入曰伯夷叔齊何人也曰古之賢人也曰怨乎 謹按論語第七篇再有曰夫子為衛君乎子貢曰諾吾 由五辨武王之世恐無夷齊六辨史記本傳不當削 跡三辨山中乏食之故四辨夫子用齊景公對說之 不同九辨太史公之誤原於輕信逸詩十辨左氏春 秋傳所載武王遷門義士非之說亦誤 海濱避紂之事七辨道遇武王與周紀書来歸之年 不合八辨父死不葬與周紀書祭文王墓而後行者

一大でのちているう

明文海

一孟子止言伯夷不及叔齊其於伯夷也大概稱其制行 首陽之下民到於今稱之其斯之謂與此二章孔子所 景公有馬干腳死之日民無得而稱馬伯夷叔齊餓於 孟而作成書備而記事當時有以補前聞之缺遺如子 不得不取証於史記盖孔子之後尚論古人莫如孟子 以稱夷齊者事無始末莫知其所指雖有大儒先生亦 曰求仁而得仁义何怨出曰夫子不為也第十六篇齊 之清而於孔子此二章之意亦未有所發惟史記後孔

アンドンモ・ナ ハーコ

亂之以滋来者無窮之感則遷之功罪豈相掩哉蓋夷 子貢雖知之後世學者何從而知之也此史遷多見先 知二子皆有遜國俱逃之事則夫子不為衛君之微意 貢夷齊何人之問孔子求仁得仁之對倘不得史記以 齊不食周栗之類是已史記既載此事於傳又於周紀 秦古書所以為有功於世也然遷好奇而輕信上古之 齊世家諸篇歷言文王武王志在傾商累年伺隙備極 事經孔孟去取權度一定不可復易者史記多從而變 くこうもとこ 明之海

|武王謂之弑君孔子取之蓋深罪武王也眉山蘇公之 之大義也昌黎韓公之論是已其偏信者則曰夷齊於 是之日武王之事不可以已而夷齊則為萬世立君臣 之曰予惟深信孔子是以不信史遷也且謂論語本文 言之子既知有論語而又疑此則是不信孔子也余應 論是已嗚呼此事孔孟未皆言而史遷安得此數或聞 形容文字既工盪人耳目學古之士無所折喪則或兩 予言而愕曰謂孟子未嘗言則可首陽之事孔子彰彰

一金文正とんとうき

1000

者謂齊桓北伐山戎當過馬山戎與燕晉為鄰則孙竹 乎夫首陽之隱未見其必在武王之世而二子告嘗逃 其以餓而死也而史選何自知之餓者豈必皆至於死 伯夷权齊餓於首陽之下民到於今稱之論語未嘗言 何以言之夫齊景公有馬干腳死之日民無得而稱馬 2/A.) The 2 / 1/2/17 不以逃國之時至首陽也孤竹小國莫知的在何所傳 其國而不立証諸孔子對子貢之意則可信矣安知其 可知而首陽在河東之蒲坂詩之唐風曰采苓采苓首 明文海

陽之類来苦米苦首陽之下或者即此首陽盖晉地也 者夷齊果孤行之子則逃國以来諒亦非遠何必曰不 アシドンロドナ たこうし 去則必於山谷無人不可物色之所然後能絕國人之 所得食又方君父大故顛沛隕越之際食亦何心其所 思首陽固其所也蓋倉卒而行掩人之所不知固宜無 食周粟而後隱此耶今且以意度之國謀立君而已逃 然亦不必久居於此踰月移時國人立君既立則可以 以兄弟俱在此者一先一後勢或相因而今不可知耳 卷一百十

何必曰死於此山而後見稱哉予所以意其如此者無 止之地曰此仁賢之跡也夫是以首陽之傳久而不冺 腳者盖亦言其有國也夷齊可以有國而辭國者也住 也孔子以景公與夷齊對言大意主於有國無國尤為 他蓋論語此重本自明白於景公言死而於首陽不言 出矣惟其遜園俱逃事大卓絕故後之稱指其所嘗栖 可見問國君之富數馬以對諸侯有千乘所謂有馬干 死後人誤讀遂謂孔子各以死之日評之爾此大不然

一人とのちてむるう

明文海

一解國一節而意自足若曰孔子取其不食周粟以餓而 豈以富貴我由此論之則孔子所以深取夷齊但指其 |為之上莫之問也享國日久奉已而已觀其一再與晏 心棄國不顧如夷齊者獨何人哉彼所以千古不及者 然無一聞之人耳孔子嘆之曰嗟哉斯人彼有內求其 子感慨悲傷眷戀富貴直欲無死以長有之其死也冺 子弑景公之兄莊公而景公得立崔子猶為政景公安 死則此章本文之所無也夫今去夫子又遠矣餓於首 卷一百十 スタンタ・ことにお 若不見取於大儒先生猶可姑存以俟来哲今亦不幸 而無害於義理若遭之意之也界無近似而害於義理 說出而孔孟所以言文武盛德至仁者皆變亂矣此事 有天下故於世家則首吳泰伯於列傳則首伯夷遷之 俱逃之時而不死者盖意之盖予之意之也盖猶近似 君子可欺斷然按之以釋論語則武王萬世當為夷齊 特甚馬大概遷也專指文武為强大諸侯窺伺殷室以 陽一語之外前不言所始後不言所終予疑其在遜國 明文海

孟歸乎来史記本傅則不然削其海濱避紂之事俱於 子則史遷所載諫伐以下晓然知其決無也孟子言伯 言畧孟子雖不言叔齊而言伯夷甚詳若併取証於孟 詩讀書論世知人不當草草幸毋倦聽夫夷齊孔子之 也而武王何罪哉予言更僕未終亦不得巴也然實欲 夷之歸周也曰伯夷避紂居北海之濱聞文王作與曰 反覆究竟折服史遷使不可再指一群者吾徒之學誦 罪人夷齊借之以徇使萬世亂臣賊子知畏清議如此

總逃其國遂不復返而歸周也則不知此行也二子亦 海濱避紂者何哉謂遷為木當見孟子敷則遷知其有 同時然身丧父死自不得與於哭泣之良也而忍以父 遊國俱逃之下即書曰於是往歸西伯及至西伯卒此 SIND IN THE INCOME. 已免喪否無厄於勢而不返容或有之然逃彼歸此如 以為遇武王於道也所謂於是云者如春秋之書遂事 死不葬責他人數嗚呼此必無之事也夫遷所以削其 下遂書叩馬諫武王之語數其父死不葬以臣弑君盖 明文海

|年當亦不相上下孟子必不虛加之也然伯夷徳齒昔 子稱為天下之大者太公之老古今所共傳則伯夷之 金安正人二 語尚可想其遷就増損之情態而何以傳信乎故曰當 事不維其實所不合已意則削之千載而下讀於是 書伯夷者其意可想也遷以不食周栗為奇節改欲見 書七篇其作孟子傅自言當讀之而屢嘆矣然而如此 伯夷處心後来全不直武王而其初本無惡於紂也夫 以孟子為銜夫伯夷太公兩不相謀而俱歸文王孟

I with with the |太公之徒皆往歸之然後曰崇侯譖西伯於紂囚于美 伯善養老往歸之然後曰太顛陽天散宜生衛子辛甲 敬老慈幼禮賢待士士以此多歸之夷齊在孙竹聞西 遷於周紀則當以為初年矣其言曰文王繼公季而立 吾不知其始至也在文王初年數末年數不可考也而 時未必有所謂伯夷也而遷所作周紀又自與傅不同 縱與太公同而後來年齡豈必與太公等吾意武王之 何以言之伯夷以大老而歸文王文王享國凡五十年 明文海

必不食周果隐於首陽山而考終已久矣遣既書於周 殷亂天下宗周之後姑少計之亦當百有餘歲矣恐不 其来在文王即位未久之年若謂其人猶及武王以平 歲年而夷齊之歸為首其他未之先也以天下之大老 之年不知其幾矣大概書文王五十年之事稍稍排布 各以明年二字冠於其上如是者几七上去夷齊来歸 書聽虞芮訟又明年而書伐犬我自此每年書一事而 里然後日科釋文王賜弓矢鉄鉞得專征伐又數年而 アトグロアノイニー 傳一人作也乃自相抵牾如此尚有一語之可信乎觀 首如新方勞其匆级扶去於鋒刃将及之中也嗚呼紀 路也太公與已均為大老出處素與之同不於今日白 歸周已數十年非今日南達收豐之境也諫武王當於 乎抑即周紀所書之夷齊乎若即周紀所書之夷齊則 王以木主為文王伐紂叩馬而諫不知此當為兩夷齊 紀如此及作伯夷傳乃言夷齊方至文王已卒道遇武 未舉事之初不當俟其戎馬既傷而後出奇駭聚於道

欽定四庫全書

明文海

武王應天順人之舉後世敢造此以誣之噫甚矣傅曰 不及用則是彼殺比干此殺夷齊其何以有解於斜也 之命在左右與太公而武若固聞知萬一扶去之手緩 莫辨攘骨其間陳說勸止嗟乎始哉其得免於死傷也 |借救之狀殆如狂夫出關摩小號吸而迁怪儒生姓氏 不亦幸哉武王方為天下去城虐諫臣毒痛四海之紂 而行師無紀左右遽欲害敢諫之士戕天下之父死生 其摩寫二子冒昧至前左右愕胎欲殺武王無語太公 後人也曰然則紀與傳熟愈曰紀書文王其妄居半及 皆遷全文讀者知其非選其能作又不得疑其補級於 其他卷猶曰破碎不全不盡出于遷之手而此紀此傳 車中畢也者文王葬地也古無差祭祭畢之説亦妄然 以孔孟之說折選選未必屈服惟傅自言之紀自破之 下大率不可信使其有之孔子不言孟子言之矣子若 父死不葬紀則曰武王祭于畢東觀兵于孟津載木主 日祭于畢一日父死不好又何也故凡遭書諫伐之

文足可事 きょう 一

明文海

棺之終事是以展轉附會爾夫理止於一是而止予生 語者感於遭史增加孔子本文執所謂餓者謂夷齊盖 已無所謂夷齊而孟子又不言叔齊歸周惟後之讀論 齊暫隱之跡而不在武王克商之時武王克商之時恐 紀言其歸周及文王之生而傳言其至值文王之死也 也曰然則首陽之事其究如何曰予前固言之果有夷 及文王之生者與孟子同而值文王之死者無稽之言 書武王其妄極矣若其書夷齊一節猶畧優於傅也益

清風可仰而不可及孔孟之所謂賢由之則俱入堯舜 士仁人甚自貴重其身抗志甚高觀理甚明俯仰浩然 語為稱道之意可明也夫讀語孟則見二子可師乃志 幾自此觀夷齊者惟當學其求仁得仁與夫制行之清 色色不同徒以無稽之言胎感後世是以詳為之辨庶 語才有一字之增而遂與孟子界無一字之合又紀傳 **薦碩立懦之類而不必感其叩馬恥栗以至於,死然後** 百世之後安敢應度輕破古今共信之說盖見選於論 J. 1. 1. 1. 1. 1 明文海 十四

者西山米被之章也三百篇詩經夫子所刑尚莫知各 ·睹逸詩可異馬者此遷之所據乃一傳之病源也逸詩 也學者於此從語孟乎從史記乎曰如此則遷無所據 瀆而其之知者比遷所謂賢由之則不過於陵仲子之操 進退輕發嘗試不近人情悻悻然以去終與自經於溝 篇為何人作遷偶得一逸詩而妄意之曰此必夷齊也 而客心為此何也曰遷自言之矣所謂予悲伯夷之志

|一一金」

之道也讀史記則見二子可怪乃羈旅妄人閣於是非

マカショラー ニー 無一人見之而聽從乎夫天下所謂西山不知凡幾自 東觀之皆西也詩言西山不言首陽不當以附會論語 栗而後可乎夷齊之風百世聞之而與起何當時此事 食人栗者乎栗生于地人人食之已獨不食則食之者 古詩稱采草木蔬如于山者甚多宣皆有所感情而不 夷齊嘗餓於首陽今言采薇西山是不食周栗故也夫 然則武使夷齊之教行一世之人無一人肯食周地之 人人皆非也異哉恥一武王而天下皆無已同類之人 明文海 十五

秋戰國至于秦項滅國滅社何處不有乎然則世必有 以指武王武王非暴君也必欲求其稱此語者則自春 為姐卒之班乎神農虞夏固不可見而以暴易暴何可 不思有所往上言我安適歸則無辟地辟世矣下又言 矣悲哉此臨絕之音也夫祖者往也安知作歌者之意 之所云也未的曰吁嗟祖兮命之良兮遷以為夷齊死 决日命之良矣歸之於天而終無可奈何之辭也豈必 吁嗟祖兮則於不可中求可循思有所往馬既而遂自

|禹則天下一家無非周地在彼猶在此矣豈必皇皇汲 28.10 1 1.4.5 1 7 選其重器強暴者之所為誰謂武王為之使果有所謂 | 我散財發栗釋四封墓列爵分上崇德報功亞為有益 馬丁洛邑義士猶或非之杜元凱以為伯夷之屬也此 世也或日然則春秋之初魯臧良伯日武王克商遷九 之事則吾聞之遷楊恐非急務也滅人之國毀人宗廟 在孔孟之間豈亦非數曰非也武成之後武王歲月無 遭雅茶毒而作此詩者非夷齊也此詩誤選而選誤後 月と毎

言果出于哀伯乎嗚呼此武王夷齊千古暧昧俱受厚 有一見也而何必以夷齊實之乎况左氏近誣未必斯 武王無之義士所非亦不審事實矣而義士又不知為 誣之事 與成丘家之徒妄言免舜者順同情其出於孟 何人自克商至周良然後左氏載此語盖已四五百年 不毁而重器何以選乎書稱管洛乃成王周公時事在 四五百年之間豈無一士心非武王者得稱為義亦各 汲負之以去而後為快乎况罪止約身為商立後宗廟

金らしたメニュー

為然否 之地豈非古今之一快哉然此思見也不知来哲又以 幸而竊讀論語偶思首陽之章未常言死遂得以盡推 子之後無一人識其為齊東野人之語故使流傳至今 其不然惟此章之疑既釋則史遷失其所以憑籍附會 跡三辨山中之食之故四辨夫子用齊景公對説之 辨夷齊不死于首陽山二辨首陽何以有夷齊之 反夷齊十群 都守愚

論正大天理民爨不可泯滅非但使天下後世灼然見 一欽定正庫全書 余當讀王文端公夷齊十辨掩卷而伏思之嘆曰士生 百世之下持一時之見破千古之疑必其援據精詳議 由五辨武王之世恐無夷齊六辨史記本傳不當削 秋傅所載武王遷門義士非之說亦誤 不同九辨太史公之誤原於輕信逸詩十辨左氏春 海濱避紂之事七辨道遇武王與周紀書來歸之年 不合八辨父死不葬與周紀書祭文王墓而後行者 卷一百十

一告非而今是即使其人當時見之亦不敢以有辭于我 ביאנים ויים ביאוים 已言之矣莊子曰昔周之與也伯夷叔齊二人相謂曰 皆至於死乎余曰不然吾聞之夫子陳蔡之厄告子路 論語未當言其以餓而死也而遷何自知之餓者豈必 無得而稱馬伯夷叔齊餓於首陽之下民到於今稱之 未為得也何以言之公曰齊景公有馬千腳死之日民 也庶乎其可爾吾讀遭史遭固好奇者夷齊之辨公亦 日汝以仁者為必信也則夷齊不餓死首陽則夫子固 明之海

山又曰伯夷無欲於清之節以故餓死戰國策日廉如 伯夷不敢素餐汙武王之義而不臣辭孤竹之君餓而 列子曰伯夷叔齊始以孤竹君讓而終餓死於首陽之 周以塗吾身不如避之以潔吾行比至首陽遂餓而死 使叔旦與之盟二人相視而笑曰吾聞古之士遭治世 吾聞西方有人似有道者試往觀馬至歧陽武王聞之 死於首陽之山其言又與夫子合夫以夷齊之餓死首 不避其任遇亂世不為茍存今天下闇周徳衰其並乎

金いでにてたノー

小莫知的在何所傅者謂齊桓比伐山戎當過馬山戎 其國而不立安知其不以逃國之時至首陽也孤竹國 一當時之故老去商未遠也安可直以為不死于首陽哉 陽彰彰明信雖婦人女子猶能知其名誦其美不良况 食周果而後隱此耶倉卒而行固宜無得食然不必久居 與燕晉為鄰則孤竹可知而首陽在河東之浦坂唐風 公日首陽之隐未見其必在武王之世而二子昔當逃 Clarit Production 曰采苓采苓首陽之顛或者即此首陽蓋晉地也何必 不 明文海

以邀讓國之名也哉吾恐其獲小魚而喪大節也而謂 逃也不過徐徐以俟國人立君之定耳而首陽之距孤 一齊不知夷夷亦不知齊也豈有俱入首陽之理耶况其 逃以成讓也其心炯炯若日星然倉皇就道不相要約 跡也何必曰死于此山而後見稱耶余曰不然夷齊之 於此惟其遜國俱逃事大卓絕故後稱之曰此仁賢之 竹幾二千里豈有當君父之喪廢辟頭之戚踰都越邑 夷齊為之乎按今之水平府古孤竹地也今孙竹三塚

金りじた人

卷一百十

大き四車全書 時也則首陽之所以有夷齊之跡當在草商之後天人 相去之遠雖未暇論其孰是要皆有以見其非遊團之 墓有祠以此考之未知孰的然偃師舊亳地也武王伐 亦有墓豈好事者因首陽之名而為之敷然皆與孤竹 陽山即唐詩所謂采苓者賈逵註史記即此首陽也有 偃師首陽山世傳夷齊隐此尚有夷齊墓山西蒲州首 紂還息偃師徒遂以為名恐夷齊不當至此耳然其上 存馬首陽||在河南||在山西按志河南首陽者五惟 明大海

事之先不當使之我車既獨而後出奇駭衆於道路也 伯夷也者有夷齊則歸周已數十年諫武王當於未舉 固不在於有國無國也公又曰武王之時未必有所謂 夷齊並言之盖亦有所感而云爾抑揚予奪以為世勸 亦可謂畏死者矣夷齊則寧餓死而不顧夫子以景公 為可見余曰不然景公登牛山而流涕至為晏子所笑 又曰孔子以景公與夷齊對言大意主于有國無國尤 草命絕景窮居之時數夫豈所謂倉卒之食之故哉公 「つくり ひかいてんいろ 「 言其見武王而不及文王亦可縣見以前後考之太公 **孟列言二老之歸心見文王之善養老爾若莊子則止** 之時猶且以應楊奮而獨疑無所謂伯夷者何哉且均 新方勞其匆级扶去於鋒刃將及之中也予曰不然太 太公與已均為大老出處素與之同不於今日白首如 公伯夷二老也計太公之初遇丈王年且八十矣武王 叩馬之諫義士之稱其不相識也固宜東海北海孟子 之歸周也太公則已至者也夷齊則歸之而未至者也 阴文海

爾遷博遊天下名山其有不知此耶孟子以孙竹為北 孤山之名相似故好事者因孟子北海之説而為之廟 維色亦有孤山上有夷齊廟不知隋始以北海名邑又 武王初立之時耶海濱避紂之事非遷削之也按孤竹 逃立之後避紂之亂盖皆隱於是數今青州昌樂州邑 至海僅百餘里有孤山屹然獨立於海上四面皆水豈 之来當在文王之末年而夷齊之来其文王既殁之後 亦有孤山上有夷齊廟不知漢始以北海名郡又萊州

卷一百十

歸之之語則亦未可以是即為來歸之年也公又曰傳 海遷以北海為孤行鳥可謂遷削之耶道遇武王雖與 大の可多人にヨー 名果星王兵固不可處以為祭墓之禮也但古者諸侯 周紀來歸之年不合然周紀但稱 聞西伯善養老盍往 主車中畢也者文王葬地也古無差祭祭畢之說亦妄 日父死不葬紀則日武王祭于畢東觀兵于孟津載木 下皆不可信余曰不然畢有二説一曰文王墓一曰星 一日祭于畢一日父死不莫又何也故凡遷書諫伐以 明文海

五月而葬於時武王立九年矣廼云不葵不可致也公 鑒之太公以為義士而武王獨無言馬吾知武王之心 臣烈士其不可奪者正以是爾仁孝之心赫赫乎天地 義明而人紀立此義明而名位定此義明而亂賊息忠 夷齊之大者也居臣之義與天地並立與日月並耀此 孟之意可明也余曰不然叩馬恥栗以至死是所以見 頑立懦之類而不必感其叩馬恥栗以至于死然後語 又曰觀夷齊者但當學其水仁得仁與夫制行之清魚

一次之日事人士等一一明文海 之已獨不食則人人皆非也試使夷齊之教行一世之 於是非進退悻悻以去自經於溝瀆而其之知者比哉 可以指武王武王非暴君也余又曰此大不然恥食周 起何當時此事角無一人見之而聽從乎以暴易暴何 人無一人肯食周栗而後可夷齊之風百世間之而與 夷齊也米截西山是不食周果故也果生於地人人食 公又曰詩自夫子刑後遷偶得逸詩而妄意之曰此必 不待伯夷非之而後知也又能可決以為霸旅妄人間

心之所安馬而已也若曰使夷齊之教行無一人肯食周 祥之為皆率天下之人相趨以死則生人之類絕尤不 栗而後可則亦将以號之天下夫孔子之殺身成仁益 栗夷齊之所以為此者其亦無如之何而姑以是盡吾 賢乎哉吾見其率天下之諛生畏死貪寵饕荣若太感 **君然後為疾風勁草然後為屹若巨山不可動而以為** 可之大者必若蕭瑪之於隋唐馮道之於五代朝仇暮 之舍生取義忠臣之捐身報國若王燭襲遂張巡丈天

|天下之大分而言謂之暴若夷齊者以武王為暴也亦 齊不兩立自其以採天下之大亂而言謂之仁自其以裂 者流引其塗而誨之趨也公言何為者耶况武王與夷 或非之杜元凱以為伯夷之屬非也武成之後武王尚 宜公又口魯哀伯曰武王克商運九點子洛邑義士猶 必選子書稱答洛乃成王周公時事而義士又不知為 月無幾遷船恐非急務也選其重器强暴者之所為誰 5/1.10 upt Arting 1 謂武王為之使果有所謂將則天下一家無非周地何 明文海 孟

官适史供展九馬寶玉獨疑馬何哉武王克商定馬好 然則謂選其重器亦俱矣其載諸史稱釋箕子之囚表 一部至于南望三塗北望機鄙,顧瞻有河粤瞻伊洛則經 商客之問封比干之墓散財發栗公則皆信之而命南 又歸之周不可得而私也禹尚不可得而私而况商乎 所鑄以象九州者也思世寶之夏七鼎歸之商商七點 王者何必夷齊賣之子余曰不然夫九點也者神禹之 何人自克商至于周良盖四五百年豈無一士心非武

を気にすん

非此子要之湯武之心猶夷齊也伊尹五就孟津觀兵 世之亂也經也湯武良天下之亂也權也其可是彼而 為尚武矣然則湯武與夷齊可兩是乎余曰夷齊衣萬 天應人非耶余日聖人之言各有指要不當以執一論 之亦足以見天理民奏之不可已也或日然則易之順 **管規畫盖非一朝夕之故矣 這選 男在将管之時耶左** 也若謂湯之心果於放無武之心果於伐紂則非所以 **氏載義士非之者雖不必指為夷齊要周之時宜亦有**

Stadam Links

明文海

意後世至以為怨不知選者也况公讀論語偶思首陽 襲常體使人慷慨膾炙齊得喪輕死生有不可幾及之! 右遷者也余曰天下之言惟理馬視其理是而言可據 我時之窮湯武亦無如之何也已或又曰然則子之言 此則事之或然者也湯武何至于有慚未盡善之云也 澤猶未遽斬于天下也泰伯文王之至徳亦将歸之矣 雖下於遷者萬萬吾將信之况遷即且遷作夷齊傅不

使夏葵商辛由兹而悔禍可以為少康太甲則禹湯之

金タレアノー

曖昧厚經之 へろうる たんり 因夷齊而為之辨懼天 **乔喾言死遂以盡推其** 事其何以服遷 明文海 **小然以叩馬恥栗為干** 哉雖然遷失亦多矣吾 於託武王而不果 千六

					-	_ 1
	明文海卷一百十					金ピンピノー
: :					1	1000
					-	
						-
		 *** *********************************				